

28 Et qui in Aroer, & qui in Sephamoth, & qui in Esthamo.

29 Et qui in Rachal, & qui in urbibus Jera-mel, & qui in urbibus Ceni,

30 Et qui in Arama, & qui in lacu Asan, & qui in Athach,

31 Et qui in Hebron, & reliquis qui erant in his locis, in quibus commoratus fuerat David ipse, & viri ejus.

CAPUT XXXI.

Saulis cum filiis in pugna cæsi corpus, truncato capite, in muro Bethsan suspenditur, armaque ejus in templo Astoroth: viri autem Jabes, ablatis Saul ac filiorum ejus corporibus, juxta Jabes ea sepelierunt.

^{* 1. P. 11.} 1 Philisthiim autem pugnabant adversum Israel: & fugerunt viri Israel ante faciem Philis-thiim, & ceciderunt interfecti in monte Gelboe.

^{10. 2.} 2 Irrueruntque Philisthiim in Saul, & in fi-lios ejus, & percuaserunt Jonathan, & Abinadab, & Melchisua filios Saul,

3 Totumque pondus prælli versum est in Saul: & consecuti sunt eum viri sagittarii, & vulnera-tus est vehementer a sagittariis.

^{* 1. P. 11.} 4 * Dixitque Saul ad armigerum suum: Eva-gina gladium tuum, & percute me: ne forte ve-niant incircumcisiti isti, & interficiant me, illu-dentes mihi. Et noluit armiger ejus: fuerat enim nimio terrore perterritus. Arripuit itaque Saul gladium, & irruit super eum.

5 Quod cum vidisset armiger ejus, videlicet quod mortuus esset Saul, irruit etiam ipse super gladium suum, & mortuus est cum eo.

6 Mortuus est ergo Saul, & tres filii ejus, & armiger illius, & universi viri ejus in die illa pariter.

7 Videntes autem viri Israel, qui erant trans vallem, & trans Jordanem, quod fugissent viri Israëli, & quod mortuus esset Saul, & filii ejus, reliquerunt civitates suas, & fugerunt: ve-neruntque Philisthiim, & habitaverunt ibi.

8 Facta autem die altera, venerunt Philisthiim,

ut

ut spoliarent interfectos, & invenerunt Saul & tres filios ejus jacentes in monte Gelboe.

9 Et præciderunt caput Saul, & spoliaverunt eum armis: & miserunt in Terram Philisthi-orum per circuitum, ut annuntiaretur in templo idolorum, & populis.

10 Et posuerunt arma ejus in templo Astoroth, corpus vero ejus suspenderunt in muro Bethsan.

11 ^{1. P. 12.} Quod cum audirent habitatores Jabes Ga-laad, quæcumque fecerant Philisthiim Saul,

12 Surrexerunt omnes viri fortissimi, & am-bulaverunt tota nocte, & tulerunt cadaver Saul, & cadavera filiorum ejus, de muro Bethsan: ve-neruntque Jabes Galaad, & combusserunt ea ibi:

13 Et tulerunt ossa eorum, & sepelierunt in nemore Jabes, & jejunaverunt septem diebus.

LIBER SECUNDUS SAMUELIS, QUEM NOS. SECUNDUM REGUM DICIMUS.

CAPUT PRIMUM.

David occiso nuntio, qui se Saulem occidisse di-cebat, scissis vestibus defet eum. cum ceteris occi-sis, jejunans ac præcipiens ut filios Juda docerent arcum.

¹ F ACTUM est autem, postquam mortuus est Saul, ut David reverteretur a cœde Amalec, & maneret in Siceleg duos dies.

² In die autem tertia apparuit homo veniens de castris Saul ueste conscrita & pulvere conper-fus caput: & ut venit ad David, cecidit super faciem suam, & adoravit.

M 5

³ Dixit-

3 Dixitque ad eum David: Unde venis? Qui ait ad eum: De castris Israel fugi.

4 Et dixit ad eum David: Quod est verbum quod factum est? indica mihi. Qui ait, Fugit populus ex prælio, & multi corruentes e populo mortui sunt; sed & Saul & Jonathas filius ejus interierunt.

5 Dixitque David ad adolescentem, qui nuntiabat ei: Unde scis quia mortuus est Saul, & Jonathas filius ejus?

6 Et ait adolescens, qui nuntiabat ei: Casu vni in montem Gelboe, & Saul incumbebat super hastam suam, porro currus & equites appropinquarebant ei,

7 Et conversus post tergum suum, videntesque me vocavit. Cui cum respondidem adsum:

8 Dixit mihi: Quisnam es tu? Et ait ad eum: Amalecites ego sum.

9 Et locutus est mihi: Sta super me, & interfice me: quoniam tenent me angustiae, & adhuc tota anima mea in me est.

10 Stanque super eum, occidi illum: sciebam enim quod vivere non poterat post ruinam: & tuli diadema quod erat in capite ejus, & armillam de brachio illius, & attuli ad te dominum meum hoc.

11 Apprehendens autem David vestimenta sua fecidit, omnesque viri, qui erant cum eo,

12 Et planzerunt, & flaverunt, & jejunaverunt usque ad vesperam super Saul, & super Jonatham filium ejus, & super populum Domini, & super domum Israel, eo quod corrissent gladio.

13 Dixitque David ad juvenem qui nuntiaverat: Unde es tu? Qui respondit: Filius hominis advenez Amalecites ego sum.

14 Et ait ad eum David: *Quare non timuisti mittere manum tuam ut occides Christum Domini?

15 Vocansque David unum de pueris suis, ait: Accedens irruerunt in eum. Qui percussit illum, & mortuus est.

16 Et ait ad eum David: Sanguis tuus super caput tuum: os enim tuum locutum est adversum te, dicens: Ego interfeci Christum Domini. 27

* Psalm.
104. 15.

17 Planxit autem David planctum hujuscemodi super Saul, & super Jonatham filium ejus,

18 (Et præcepit ut docerent filios Juda arcum, sicut scriptum est in Libro justorum.) Et ait: Considera Israel pro his, qui mortui sunt super excelsa tua vulnerati.

19 Inlyti, Israel, super montes tuos interfecti sunt: quomodo ceciderunt fortes?

20 Nolite annunziare in Geth, neque annuntietis in compitis Ascalonis: ne forte latentur filii Philisthiim, ne exultent filii incircumscriptorum.

21 Montes Gelboe, nec ros, nec pluvia veniant super vos, neque sint agri primitarianum: quia ibi abjectus est clypeus fortium, clypeus Saul, quasi non esset unctus oleo.

22 A sanguine interfectorum, ab adipe fortium, sagitta Jonathae nunquam reddit retrorsum, & gladius Saul non est reversus inanis.

23 Saul & Jonathas amabiles, & decori in vita sua, in morte quoque non sunt divisi: aquilis velociores, leonibus fortiores.

24 Filii Israel super Saul flete, qui vestiebat vos coccino in delictis, qui præbebat ornamenta aurea cultui vestro.

25 Quomodo ceciderunt fortes in prælio? Jonathas in excelsis tuis occisus est?

26 Doleo super te frater mi Jonatha decore nimis, & amabilis super amorem mulierum. Sicut mater unicum amat filium suum, ita ego te diligebam.

27 Quomodo ceciderunt robusti, & perierunt arma bellica?

CAPUT II.

David Dei oraculo iussus ascendere in Hebron, ibi super Juda in regem unctus, viros Jabel Galaad ob Saulis sepulturam commendat: Isbosethi vero in regem super Israel unctio gravem peperit seditionem ac pugnam inter utramque domum.

1 Gitur post haec consuluit David Dominum, dicens: Num ascendam in unam de civitatibus Juda? Et ait Dominus ad eum: Ascende. Dixitque David: Quo ascendam? Et respondit ei: In Hebron.

2 Af-

2 Ascendit ergo David, & due uxores ejus, Achinoam Jezrahelites, & Abigail uxor Nabal Carmeli:

3 Sed & viros, qui erant cum eo, duxit David singulos cum domo sua: & manferunt in opidis Hebron.

* 4 Veneruntque viri Juda, & unixerunt ibi David, ut regnaret super domum Juda. Et nuntiatur est David, quod viri Jabel Galaad sepelissent Saul.

* 5 Misit ergo David nuntios ad viros Jabel Galaad, dixitque ad eos: Benedicte vos a domino, qui fecistis misericordiam hanc cum domino vetero Saul, & sepelitis eum.

6 Et nunc retribuet vobis quidem Dominus misericordiam & veritatem: sed & ego reddam gratiam, eo quod fecistis verbum istud.

7 Confortentur manus vestrae, & estote filii fortitudinis: licet enim mortuus sit dominus vester Saul, tamen me unxit dominus Juda in regem sibi.

8 Abner autem filius Ner princeps exercitus Saul tulit Isbosheth filium Saul, & circumduxit eum per castra,

9 Regemque constituit super Galaad & super Gessuri, & super Jezrael, & super Ephraim, & super Benjamin: & super Israel universum.

10 Quadraginta annorum erat Isbosheth filius Saul cum regnare cœpisset super Israel, & duabus annis regnavit: sola autem domus Juda sequebatur David.

11 Et fuit numerus dierum quos commoratus est David, imperans in Hebron super domum Juda septem annorum, & sex mensium.

12 Egressusque est Abner filius Ner, & pueri Isbosheth filii Saul, de castris in Gabaon.

13 Porro Joab filius Sarvæ, & pueri David egressi sunt, & occurserunt eis juxta piscinam Gabaon. Et cum in unum convenissent, e regione federunt: hi ex una parte piscinæ, & illi ex altera.

14 Dixitque Abner ad Joab: Surgant pueri, & iudicent coram nobis. Et respondit Joab: Surgant.

15 Surrexerunt ergo, & transierunt numero duodecim de Benjamin, ex parte Isbosheth filii Saul, & duodecim de pueris David.

16 Apprehensaque unusquisque capite comparsis fui, defixit gladium in latus contrarii, & occiderunt simul: vocatumque est nomen loci illius: Ager robustorum in Gabaon.

17 Et ortum est bellum durum satis in die illa: fugatusque est Abner, & viri Israel a pueris David.

18 Erant autem ibi tres filii Sarvæ, Joab & Abisai, & Asael: porro Asael cursor velocissimus fuit, quasi unus de cæpitis, quæ morantur in silvis.

19 Persequebatur autem Asael Abner, & non declinavit ad dexteram, neque ad sinistram omitiens persequi Abner.

20 Respergit itaque Abner post tergum suum, & ait: Tunc es Asael? Qui respondit: Ego sum.

21 Dicitque ei Abner: Vade ad dextram, sive ad sinistram, & apprehende unum de adolescentibus, & tolle tibi spolia ejus. Noluit autem Asael omittere quin urgeret eum.

22 Rurumque locutus est Abner ad Asael: Recede, noli me sequi, ne compellar confondere te in terram, & levare non potero faciem meam ad Joab fratrem tuum.

23 Qui audire contempnit, & noluit declinare: percussit ergo eum Abner aversa hasta in inguine, & transfovit, & mortuus est in eodem loco: omnesque qui transibant per locum illum, in quo ceciderat Asael, & mortuus erat, suffiscebant.

24 Persequentibus autem Joab, & Abisai fugientem Abner, sol occubuit: & venerunt usque ad collem aquæ ductus, qui est ex adverso vallis iteris deserti in Gabaon.

25 Congregataque sunt filii Benjamin ad Abner: & conglobantur in unum cuneum, steterunt in summitate tumuli unius.

26 Et exclamavit Abner ad Joab: & ait: Num usque ad internectionem tuus mucro deserviet? an ignoras quod periculosa sit desperatio? usquequo non dicis populo ut omittat persequi fratres fuos?

27 Et ait Joab: Vivit Dominus, si locutus fuisses, mane recessisset populus persequens fratrem suum.

190 LIBER II. REGUM, CAP. III.

28 Insonuit ergo Joab buccina, & stetit omnis exercitus, nec persecuti sunt ultra Irael, neque iniere certamen.

29 Abner autem & viri ejus abierunt per campis tota nocte illa: & transierunt Jordanem, & lustrata omni Beth-horon, venerunt ad castra.

30 Porro Joab reverius, omisso Abner, congregavit omnem populum: & defuerunt de pueris David decem & novem viri, excepto Asaele.

31 Servi autem David percusserunt de Benjamini, & de viris, qui erant cum Abner trecentos sexaginta, qui & mortui sunt.

32 Tuleruntque Asael, & sepelierunt eum in sepulchro patris sui in Bethlehem: & ambulaverunt tota nocte Joab & viri qui erant cum eo, & in ipso crepusculo pervenerunt in Hebron.

CAPUT III.

Abner reprehensus ob concubinam iratus regi Isboseth fædus init cum David, & reducta Michol, dum congregaret Iraelitas ad David, occiditur a Joab, cui David iratus amare deflet Abner.

^{1. Par.} 1 FActa est ergo longa concertatio inter domum Saul, & inter domum David: David proficisciens, & semper seipso robustior, dominus autem Saul decrevens quotidie.

^{2. I.} 2 * Natique sunt filii David in Hebron: fuitque primogenitus ejus Amnon, de Achinoam Jezraelite.

3 Et post eum Cheleab de Abigail uxore Nabal Carmeli: porro tertius Absalom filius Maaucha filiae Tholmai regis Gessur.

4 Quartus autem Adonias, filius Haggith: & quintus Saphathia, filius Abital.

5 Sextus quoque Jethraam de Eglæ uxore David, hi nati sunt David in Hebron.

6 Cum ergo esset prælium inter domum Saul & domum David, Abner filius Ner regebat dominum Saul.

7 Fuerat autem Sauli concubina nomine Respha, filia Aia. Dixitque Isboseth ad Abner:

8 Quare ingressus es ad concubinam patris mei?

Qui

LIBER II. REGUM, CAP. III. 191

Qui iratus nimis propter verba Isboseth, ait: Numquid caput canis ego sum adversum Judam hodie, qui fecerim misericordiam super domum Saul patris tui, & super fratres & proximos ejus, & non tradidi te in manus David, & tu requisiisti in me quod argueres pro muliere hodie?

9 Hæc faciat Deus Abner, & hæc addat ei, nisi quomodo juravit Dominus David, sic faciam cum eo,

10 Ut transferatur regnum de domo Saul, & elevetur thronus David super Irael, & super Judam, a Dan usque Berabee.

11 Et non potuit respondere ei quidquam, quia metuebat illum.

12 Misit ergo Abner nuntios ad David pro se dicentes: Cujus est terra? Et ut loquerentur: Fac mecum amicitias, & erit manus mea tecum, & reducam ad te universum Irael.

13 Qui ait: Optime: ego faciam tecum amicitias: sed unam rem peto a te, dicens: Non videbis faciem meam antequam adduxeris Michol filiam Saul: & sic venies, & videbis me.

14 Misit autem David nuntios ad Isboseth filium Saul, dicens: * Redde uxorem meam Michol, quam despandi mili centum præputis Philisthiim.

15 Misit ergo Isboseth, & tulit eam a viro suo Phaltiel, filio Lais.

16 Sequebaturque eam vir suus, ploransusque Bahurim: & dixit ad eum Abner: Vade, & revertere. Qui reversus est.

17 Sermonem quoque intulit Abner ad seniores Irael, dicens: Tam heri quam nudiustertius quarebatur David ut regnaret super vos.

18 Nunc ergo facite: quoniam Dominus locutus est ad David, dicens: In manu servi mei David salvabo populum meum Irael de manu Philisthiim, & omnium inimicorum ejus.

19 Locutus est autem Abner etiam ad Benjamin. Et abiit ut loqueretur ad David in Hebron, omnia quæ placuerant Iraeli, & universo Benjamin.

20 Venitque ad David in Hebron cum viginti viris: & fecit David Abner, & viris ejus qui venerant cum eo, convivium.

21

21 Et dixit Abner ad David: Surgam, ut con-
gregem ad te dominum meum regem omnem If-
rael, & ineam tecum foedus, & imperes omni-
bus, sicut desiderat anima tua. Cum ergo de-
duxisset David Abner, & ille esset in pace,

22 Statim pueri David, & Joab venerunt, cæ-
sis latronibus, cum præda magna nimis: Abner
autem non erat cum David in Hebron, quiajam
dimiserat eum, & profectus fuerat in pace.

23 Et Joab, & omnis exercitus, qui erat cum
eo, postea venerunt: nuntiatum est itaque Joab
a narrantibus: Venit Abner filius Ner ad regem,
& dimisit eum, & abiit in pace.

24 Et ingressus est Joab ad regem, & ait: Quid
fecisti? Ecce venit Abner ad te: quare dimisisti
eum, & abiit & receperit?

25 Ignoras Abner filium Ner, quoniam ad hoc
venit ad te ut deciperet te, & sciret exitum tuum,
& introitum tuum, & nosset omnia quæ agis?

26 Egressus itaque Joab a David, misit nun-
tios post Abner, & reduxit eum a cisterna Sira,
ignorante David.

* 3. Reg.
2. 5. 27 Cumque rediisset * Abner in Hebron, seorsum
adduxit eum Joab ad medium portæ, ut lo-
queretur ei in dolo: & percussit illum ibi in in-
guine, & mortuus est in ultionem sanguinis Asael
fratris ejus.

28 Quod cum audisset David rem jam gestam,
ait: Mundus ego sum, & regnum meum apud
Dominum, usque in sempiternum, a sanguine
Abner filii Ner;

29 Et veniat super caput Joab, & super omnem
domum patris ejus: nec deficit de domo Joab
fluxum feminis sufficiens, & leprosus, & tenens
fusum, & cadens gladio, & indigens pane.

30 Igitur Joab & Abisai frater ejus interfec-
runt Abner, eo quod occidisset Asael fratrem eo-
rum in Gabaon in prælio.

31 Dicit autem David ad Joab, & ad omnem
populum, qui erat cum eo: Scindite vestimenta
vestra, & accingimini facis, & plangite ante ex-
equias Abner. Porro rex David sequebatur feretrum.

32 Cumque sepelissent Abner in Hebron, le-

va-

vavit rex David vocem suam, & flevit super tu-
mulum Abner: flevit autem & omnis populus.

33 Plangensque rex & lugens Abner, ait: Ne-
quaquam ut mori solent ignavi, mortuus est Abner.

34 Manus tuæ ligata non sunt, & pedes tui
non sunt compeditus aggravati: sed sicut solent
cadere coram filiis iniquitatis, sic corrueisti. Con-
geminansque omnis populus flevit super eum.

35 Cumque venisset universa multitudo cibum
capere cum David, clara adhuc die juravit Da-
vid, dicens: Hæc faciat mihi Deus, & hæc ad-
dat, si ante occasum solis gustavero panem, vel
aliud quidquam.

36 Omnisque populus audivit, & placuerunt ei
cuncta quæ fecit rex in conspectu totius populi.

37 Et cognovit omne vulgus, & universus If-
rael in die illa, quoniam non actum fuisset a rege
ut occideretur Abner filius Ner.

38 Dixit quoque rex ad servos suos: Num
ignoratis, quoniam princeps & maximus cecidit
hodie in Israel?

39 Ego autem adhuc delicatus, & undus rex:
porro viri isti filii Sarviæ dari sunt mihi: retri-
buat Dominus facienti malum juxta malitiam suam.

C A P U T IV.

Baana & Rechab militum præfecti caput Isbo-
feth, quem dormientem occiderant, ad David at-
tulerunt, quos pro mercede jussit interimi.

1 A udixit autem Isbofeth filius Saul, quod ce-
cidisset Abner in Hebron: & dissolute fuit
manus ejus, omnisque Israel perturbatus est.

2 Duo autem viri principes latronum erant fi-
lio Saul, nomen uni Baana, & nomen alteri Re-
chab, filii Remmon Berothite de filiis Benja-
min: siquidem & Beroth reputata est in Benjamin.

3 Et fugerunt Berothite in Gethaim, fuerunt
que ibi advenæ usque ad tempus illud.

4 Erat autem Jonathæ filio Saul filius debilis
pedibus: quinqueennis enim fuit, quando venit
nuntius de Saul, & Jonatha ex Jezrael. Tollens
itaque eum nutrix sua, fugit: cumque festinaret
ut fugeret, cecidit, & claudus effectus est: ha-
bitique vocabulum Miphobeth,

Tom. II,

N

5 Ve.

5 Venientes igitur filii Remmon Berothithae, Rechab & Baana, ingressi sunt fervente die domum Isboseth: qui dormiebat super stratum suum meridie. Et ossaria domus purgans triticum, obdormivit.

6 Ingressi sunt autem domum latenter assumentes spicas tritici, & percuserunt eum in inguine Rechab & Basana frater ejus, & fugerunt.

7 Cum autem ingressi fuisserent domum, ille dormiebat super lectum suum in concavi, & percutientes interfecerunt eum: sublatoque capite ejus, abierunt per viam deitati tota nocte,

8 Et attulerunt caput Isboseth ad David in Hebron: dixeruntque ad regem: Ecce caput Isboseth filii Saul inimici tui, qui querebat animam tuam: & dedit dominus domino meo regi ultiōnem hodie de Saul, & de semine ejus.

9 Respondens autem David Rechab, & Baana fratri ejus, filii Remmon Berothithae, dixit ad eos: Vivit Dominus, qui eruit animam meam de omni angustia,

10 * Quoniam eum, qui annuntiaverat mihi, & dixerat: Mortuus est Saul: qui putabat le prospēra nūsiare, tenui, & occidi eum in Siceleg, cui oportebat mercedem dare pro nuntio.

11 Quanto magis nunc, cum homines impii interfecerunt virum innoxium in domo sua, super lectum suum, non querām sanguinem ejus de manu vestra, & auferam vos de terra?

12 Præcepit itaque David pueris suis, & interfecerunt eos: præcedentesque manus & pedes eorum, suspenderunt eos super piscinam in Hebron: caput autem Isboseth tulerunt, & sepelierunt in sepulchro Abner in Hebron.

CAPUT V.

David undus super totum Israel, pulsis Jebusitis, arem Sion cepit: ubi extructa domo habitavit, alias superinducens uxores, filiosque procreans, & Philisthaeos bis prosternens.

1 ET venerunt universæ tribus Israel ad David in Hebron, dicentes: * Ecce nos, os tuum, & caro tua sumus.

2 Sed

* 1. Par.
11. 5.

2 Sed & heri & nudiustertius cum esset Saul rex super nos, tu eras educens & reducens Israēl: dixit autem Dominus ad te: Tu pacies populum meum Israēl, & tu eris dux super Israēl.

3 Venerunt quoque & seniores Israēl ad regem in Hebron, & percussit cum eis rex David fodus in Hebron coram Domino: unxeruntque David in regem super Israēl.

4 Filius triginta annorum erat David, cum regnare coepisset, * & quadraginta annis regnavit. * 3 Reg.

5 In Hebron regnavit super Judam septem annis & sex mensibus: in Jerusalem autem regnavit triginta tribus annis super omnem Israēl & Judam.

6 Et abiit rex, & omnes viri qui erant cum eo, in Jerusalem ad Jebusitum habitatorem terræ: dicūmque est David ab eis: Non ingredies hac, nisi abstuleris cæcos & claudos dicentes: Non ingredietur David huc.

7 Capit autem David arem Sion, hæc est civitas David.

8 Proposuerat enim David in die illa præmium, qui percussisset Jebusitum, & tetigisset domatum fistulas, & abstulisset cæcos & claudos odientes animam David. Idcirco dicitur in proverbio: Cæcus & claudus non intrabunt in templum.

9 Habitavit autem David in arce, & vocavit eam Civitatem David: & ædificavit per gyrum a Mello & intrinsecus.

10 Et ingrediebatur proficiens atque succrescens, & Dominus Deus exercituum erat cum eo.

11 * Milit quoque Hiram rex Tyri nuntios ad David, & ligna cedrina, & artifices lignorum, artificesque lapidum ad parietes: & ædificaverunt domum David.

12 Et cognovit David quoniam confirmasset eum Dominus regem super Israēl, & quoniam exaltasset regnum ejus super populum suum Israēl. * 1. Par.

13 * Accepit ergo David adhuc concubinas & uxores de Jerusalem, postquam venerat de Hebron: natique sunt David & alii filii & filiae.

14 Et hæc nomina eorum, qui nati sunt ei in Jerusalem, Samua, & Sobab, & Nathan, & Salomon,

N 2

15 Et

* 1. Par.
1. 1.

* 1. Par.

3. 1. 2.

15 Et Jebahar, & Elisua, & Nepheg,

16 Et Japhia, & Elisama, & Elioda, & Eli-phaleth.

17 Audierunt ergo Philisthiim quod unxissent David in regem super Israel: & ascenderunt universi ut quererent David: quod cum audisset David, descendit in praesidium.

* 1. Par.
14. 9. 18 * Philisthiim autem venientes diffusi sunt in Valle Raphaim.

19 Et consuluit David Dominum, dicens: Si ascendam ad Philisthiim? & si dabis eos in manu mea? Et dixit Dominus ad David: Ascende, quia tradens dabo Philisthiim in manu tua.

* 1. Par.
26. 1. 20 * Venit ergo David in Baal Pharaism, & percussit eos ibi, & dixit: Divisi Dominus inimicos meos coram me, sicut dividuntur aquae. Propterea vocatum est nomen loci illius, Baal Pharaism.

21 Et reliquerunt ibi sculptilia sua: quæ tulit David, & viri ejus.

22 Et addiderunt adhuc Philisthiim ut ascenderent, & diffusi sunt in Valle Raphaim.

23 Consuluit autem David Dominum: Si ascendam contra Philistheos, & iradas eos in manus meas? Qui respondit: Non ascendas contra eos, sed gyro post tergum eorum, & venies ad eos ex adverso pyrorum.

24 Et cum audieris sonitum gradientis in cammine pyrorum, tunc inibis prælum: quia tunc egredietur Dominus ante faciem tuam, ut percussiat castra Philisthiim.

25 Fecit itaque David sicut præceperat ei Dominus, & percussit Philisthiim de Gabaa usque dum venias Gezer.

CAPUT VI.

Reducente David arcam a domo Abinadab, Oza a Domino occisus est quod illam attingisset, quare eam in domo Obededom reliquit: postmodum vero in Jerusalem reducens, & ante eam ludens, a Michol uxore ridetur; in cuius pœnam nunquam illa deinceps peperit.

1 Con-

* Congregavit autem tursum David omnes ele-
tos ex Israel triginta millia.

2 * Surrexitque David, & abiit, & universus populus, qui erat cum eo de viris Iuda, ut addu-
cerent arcam Dei, super quam invocatur et non
men Domini exercituum, sedentis in Cherubim
super eam.

3 Et imposuerunt arcam Dei super plaustrum novum: tuleruntque eam de domo Abinadab, qui erat in Gabaa: Oza autem, & Ahio filii Abinadab, minabant plaustrum novum.

4 * Cumque tulissent eam de domo Abinadab, qui erat in Gabaa, custodiens arcam Dei Ahio 7. 1.
præcedebat arcam.

5 David autem, & omnis Israel ludebant coram Domino in omnibus lignis fabrefactis, & ci-
tharis & lyris & tympanis & sistris & cymbalis.

6 Postquam autem venerunt ad arcam Nachon,
extendit Oza manum ad arcam Dei, & tenuit eam:
quoniam calcitrabant boves, & declinaverunt eam.

7 Iratusque est indignatione Dominus contra Ozam, & percussit eum super temeritate: qui mortuus est ibi juxta arcam Dei.

8 * Contritus est autem David, eo quod per-
cussisset Dominus Ozam, & vocatum est nomen 13. 11.
loci illius: Percusso Oza, usque in diem hanc.

9 Et extimuit David Dominum in die illa, di-
cens: Quomodo ingredietur ad me arca Domini?

10 Et noluit divertere ad se arcam Domini in civitatem David: sed divertit eam in domum Obe-
dedom Gethæ.

11 Et habitavit arca Domini in domo Obe-
dedom Gethæ tribus mensibus: & benedixit Domi-
nus Obededom, & omnem domum ejus.

12 * Nuntiatumque est regi David quod bene-
dixisset Dominus Obededom, & omnia ejus, pro-
pter arcam Dei. Abilis ergo David, & adduxit
arcam Dei de domo Obededom in civitatem Da-
vid cum gaudio: & erant cum David septem
chori, & victimæ vituli.

13 * Cumque transcendissent qui portabant ar-
cam Domini ex passu, immolabat bovem &
arietem, 1. Par.
15. 26. N 3 14

14 Et David saltabat totis viribus ante Domini. num. Porro David erat accinctus ephod lineo.

15 Et David, & omnis domus Israel ducebant arcam testamenti Domini in jubilo, & in clangore buccinæ.

16 Cumque intrasset arca Domini in civitatem David, Michol filia Saul prospiciens per fenestrā, vidi regem David subtilientem, atque saltantem coram Domino: & despexit eum in corde suo.

17 Et introduxerunt arcam Domini, & impo- fuerunt eam in loco suo in medio tabernaculi, quod tetenderat ei David, & obtulit David ho- locausta, & pacifica coram Domino.

18 Cumque compleset offerens holocausta & pacifica, benedixit populo in nomine Domini ex- ercitum.

19 Et partitus est universæ multitudini Israel, tam viro quam mulieri, singulis collyridam pa- nis unam, & assūtam bubula carnis unam, & similam frīxam oleo: & abiit omnis populus unusquisque in domum suam.

20 Reversusque est David ut benediceret do- mui suæ: & egressa Michol filia Saul in occursum David, ait: Quam gloriofus fuit hodie rex Israel discoperiens se ante ancillas servorum suo- rum & nudatus est, quasi si nudetur unus de scurris.

21 Dixitque David ad Michol: Ante Dominum qui elegit me potius quam patrem tuum, & quam omnem domum ejus, & præcepit mihi ut essem dux super populum Domini in Israel,

22 Et ludam, & vilior fiam plus quam factus sum: & ero humilis in oculis meis: & cum an- cillis, de quibus locuta es, gloriofior apparebo.

23 Igitur Michol filie Saul non est natus filius usque in diem mortis suæ.

C A P U T VII.

David proponens ædificare domum Domino, a Nathan propheta primum collaudatur, postmodum jubente Domino prohibetur, sed filius ei promitti- tur illam ædificaturus, unde Domino gratias agit.

I Fa.

1 Factum est autem cum sedisset rex in domo sua, & Dominus dedisset ei requiem undique ab universis inimicis suis,

2 Dixit ad Mathan prophetam: * Videsne quod ego habitem in domo cedrina, & arca Dei posita sit in medio pellum?

3 Dixitque Nathan ad regem: Omne quod est in corde tuo, vade, fac: quia Dominus tecum est.

4 Factum est autem in illa nocte: & ecce sermo Domini ad Nathan, dicens:

5 Vade, & loquere ad servum meum David: Hæc dicit Dominus: Nunquid tu ædificabis mihi domum ad habitandum?

6 Neque enim habitavi in domo ex die illa qua eduxi filios Israel de Terra Ægypti, usque in diem hanc: sed ambulabam in tabernaculo, & in territorio.

7 Per cuncta loca, quæ transivi cum omnibus filiis Israel, nunquid loquens locutus sum ad unam de tribubus Israel: cui præcepi, ut pasceret po- pulum meum Israel, dicens: Quare non ædifica- sis mihi domum cedrinam?

8 Et nunc hæc dices servo meo David: * Hæc dicit Dominus exercituum: * Ego tuli te de pa- seculis sequentem greges, ut esses dux super popu- lum meum Israel;

9 Et fui tecum in omnibus ubicumque ambu- lasti, & interfeci universos inimicos tuos a facie tua: fecique tibi nomen grande, juxta nomen ma- gnorum, qui sunt in terra.

10 Et ponam locum populo meo Israel, & plantabo eum, & habitabit sub eo, & non turbabi- tur amplius: nec addent filii iniquitatis ut affligant eum sicut prius.

11 Ex die qua constitui judices super populum meum Israel: & requiem dabo tibi ab omnibus inimicis tuis. Prædictique tibi Dominus, quod domum faciat tibi Dominus.

12 *Cumque completi fuerint dies tui, & dor- mieris cum patribus tuis, suscitaro semen tuum post te, quod egredietur de utero tuo, & firmabo regnum ejus.

13 * Ipse ædificabit domum nomini meo, &

* 3. Reg. 8. 19.
* 3. Reg. 5. 5.

200 LIBER II. REGUM, CAP. VII.

stabilitam thronum regni ejus usque in sempiternum.

* 1. Par.
22. 10.
Hebr. 1. 5.
4. 37.
Psal. 88.
1. 8.

14 * Ego ero ei in patrem, & ipse erit mihi in filium : qui si inique aliquid gesserit, arguam eum in virga virorum, & in plagiis filiorum hominum.

15 * Misericordia autem meam non auferam ab eo, sicut abstulit a Saul, quem amovi a facie mea.

16 Et fidelis erit domus tua, & regnum tuum usque in æternum ante faciem tuam, & * thronus tuus erit firmus jugiter.

17 Secundum omnia verba hæc, & juxta universam visionem istam, sic locutus est Nathan ad David.

18 Ingressus est autem rex David, & sedit coram Domino, & dixit: Quis ego sum Domine Deus, & quæ domus mea, quia adduxisti me hucusque?

19 Sed & hoc parum visum est in conspectu tuo Domine Deus, nisi loquereris etiam de domo servi tui in longinquum: ista est enim lex Adam, Domine Deus.

20 Quid ergo addere poterit adhuc David ut loquatur ad te? tu enim scis servum tuum Domine Deus.

21 Propter verbum tuum, & secundum cor tuum fecisti omnia magnalia hæc, ita ut notum faceres servo tuo.

22 Idecirco magnificatus es Domine Deus, quia non est similis tui, neque est Deus extra te, in omnibus quæ audivimus auribus nostris.

23 Quæ est autem, ut populus tuus Israel, gens in terra, propter quam ivit Deus, ut redimeret eam sibi in populum, & poneret sibi nomen, faceretque eis magnalia, & horribilia super terram a facie populi tui, quem redemisti sibi ex Ægypto, gentem, & deum ejus.

24 Firmasti enim tibi populum tuum Israel in populum sempiternum: & tu Domine Deus factus es eis in Deum.

25 Nunc ergo Domine Deus, verbum quod locutus es super servum tuum, & super dominum ejus,

LIBER II. REGUM, CAP. VIII. 201

ejus, suscita in sempiternum : & fac sicut locutus es,

26 Ut magnificetur nomen tuum usque in sempiternum, atque dicatur: Dominus exercitum, Deus super Israel. Et domus servi tui David erit habilita coram Domino,

27 Quia tu Domine exercitum Deus Israel revestisti aurem servi tui, dicens: Domum ædificabo tibi; propterea inveniens servum tuum cor suum ut oraret te oratione hac.

28 Nuic ergo Domine Deus, tu es Deus, & verba tua erunt vera: locutus es enim ad servum tuum bona hæc.

29 Incipe ergo, & benedic domui servi tui, ut sit in sempiternum coram te: quia tu Domine Deus locutus es, & benedictione tua benedicetur domus servi tui in sempiternum.

CAPUT VIII.

Victoria variaz Davidis, qui multos fecit tribarios quibus solebant Israëlitæ pendere tributa: congratulatio Thou regis Enath de rege Adarezer devicto, a quo multa spolia David abstulit: officiorum quos habebat David recensentur.

1 Factum est autem post hæc, percussit David Philisthiim, & humiliavit eos, * & tulit * 1. Par.
David Frænum tributi de manu Philisthiim. 13. 1. 3.

2 Et percussit Moab, & mensus est eos funculo, coquans terræ: mensus est autem duos funiculos, unum ad occidendum, & unum ad vivificandum: factusque est Moab David serviens sub tributo.

3 Et percussit David Adarezer filium Rohob regem Soba, quando profectus est ut dominaretur super flumen Euphraten.

4 Et captis David ex parte ejus mille septingentis equitibus, & viginti millibus peditum, subnervavit omnes jugales curruum: dereliquit autem ex eis centum currus.

5 Venit quoque Syria Damasci, ut præsidium ferret Adarezer regi Soba: & percussit David de Syria viginti duo millia virorum.

6 Et posuit David præsidium in Syria Damasci:

sæcque est Syria David serviens sub tributo: ser-
vavitque Dominus David in omnibus ad quæ-
cumque profectus est.

7 Et tulit David arma aurea, quæ habebant ser-
vi Adarezer, & derulit ea in Jerusalem.

8 Et de Betæ, & de Beroth civitatibus Adare-
zer tulit rex David æs multum nimis.

9 Audivit autem Thou rex Emath, quod per-
cusisset David omne robur Adarezer.

10 Et misit Thou Joram filium suum ad regem
David, ut salutaret eum congratulans, & gratias
ageret: eo quod expugnasset Adarezer, & percus-
sisset eum. Hoc quippe erat Thou Adarezer, &
in manu ejus erant vasa aurea, & vasa argentea,
& vasa ærea:

11 Quæ & ipsa sanctificavit rex David Domino
cum argento & auro, quæ sanctificaverat de uni-
versis gentibus, quas subeggerat.

12 De Syria, & Moab, & filiis Ammon, & Phi-
listini, & Amalec, & de manubis Adarezer filii
Rohob regis Soba.

13 Fecit quoque sibi David nomen cum rever-
tereatur capta Syria in Valle Salinarum, cæsis de-
cem & octo millibus:

14 Et posuit in Idumæa custodes, statuitque pre-
sidium: & facta est universa Idumæa serviens Da-
vid: & servavit Dominus David in omnibus ad
quæcumque profectus est.

15 Et regnavit David super omnem Israel: fa-
ciebat quoque David iudicium & justitiam omni
populo suo.

16 Joab autem filius Sarvia erat super exerci-
tum: porro Josaphat filius A hilud erat a com-
mentariis:

17 Et Sadoc filius Achitob, & Achimelech filius
Abiathar, erant sacerdotes: & Saraias scriba:

18 Banaias autem filius Joiadæ super Cerethi &
Pheleti: filii autem David sacerdotes erant.

C A P U T I X.

Quantum pietatis exhibuerit David Miphiboseth
flio Jonathæ clando, redditis omnibus agris Saul,
quos colebat Siba cum filiis ac servis suis, Miphiboseth
ad mensam David recepto.

1 Et

I E T dixit David: Putasne est aliquis qui re-
mansiit de domo Saul, ut faciam cum eo
misericordiam propter Jonatham?

2 Erat autem de domo Saul, servus nomine
Siba; quem cum vocasset rex ad se, dixit ei:
Tunc es Siba? Et ille respondit: Ego sum fer-
vus tuus.

3 Et ait rex: Nunquid superest aliquis de do-
mo Saul, ut faciam cum eo misericordiam Dei?
Dixitque Siba regi: Superest filius Jonathæ, de-
bilis pedibus.

4 Ubi, inquit, est? Et Siba ad regem: Ecce,
ait, in domo est Machir filii Ammiel in Lodabar.

5 Misit ergo rex David, & tulit eum de domo
Machir filii Ammiel de Lodabar.

6 Cum autem venisset Miphiboseth filius Jona-
thæ filii Saul ad David, corruit in faciem suam,
& adoravit. Dixitque David: Miphiboseth? Qui
respondit: Adsum servus tuus.

7 Et ait ei David: Ne timeas, quia faciens fa-
ciam in te misericordiam propter Jonatham patrem
tuum, & restituam tibi omnes agros Saul patria-
tui, & tu comedes panem in mensa mea semper.

8 Qui adorans eum, dixit: Quis ego sum servus
tuus, quoniam respxisti super canem mortuum
similem mei?

9 Vocavit itaque rex Sibam puerum Saul, & di-
xit ei: Omnia quæcumque fuerunt Saul, & uni-
versam domum ejus, dedi filio domino tui.

10 Operare igitur ei terram tu, & filii tui, & servi
tui: & inferes filio dominitui cibos ut alatur: Mi-
phiboseth autem filius domini tui comedet semper
panem super mensam meam. Erant autem Siba
quindecim filii, & viginti servi.

11 Dixitque Siba ad regem: Sicut justisti do-
mino mi rex servo tuo, sic faciet servus tuus: &
Miphiboseth comedet super mensam meam, quasi
unus de filiis regis.

12 Habebat autem Miphiboseth filium parvu-
lum nomine Micha: omnis vero cognatio domus
Siba serviebat Miphiboseth.

13 Porro Miphiboseth habitabat in Jerusalem:
quia de mensa regis jugiter vescebatur: & erat
claudus utroque pede.

CA.

CAPUT X.

Hanon rex Ammonitarum, post illatam legatis Davidis injuriam, quos ad consolandum de patris morte miserat, contra eis quinque regum Syriæ compiis adversus Davidem, ab eo profligatur semel ac iterum.

^{*1. Par.} **1.** Factum est autem post haec, ut moreretur rex filiorum Ammon, & regnavit Hanon filius eius pro eo.

^{2. 2.} **2.** Dixitque David: * Faciam misericordiam cum Hanon filio Naas, sicut fecit pater eius mecum misericordiam. Misit ergo David, consolans eum per servos suos super patris interitum. Cum autem venissent servi David in terram filiorum Ammon,

3. Dixerunt principes filiorum Ammon ad Hannon dominum suum: Putas quod propter honorem patris tui miserit David ad te consolatores, & non ideo ut investigaret, & exploraret civitatem, & everteret eam, misit David servos tuos ad te?

4. Tulit itaque Hanon servos David, rasitque dimidiad partem barbae eorum, & praescidit vestes eorum medias usque ad nates, & dimisit eos.

5. Quod cum nuntiatum esset David, misit in occursum eorum; erant enim viri confusi turpiter valde, & mandavit eis David: Manete in Jericho, donec crescat barba vestra, & tunc revertimini.

6. Videntes autem filii Ammon quod injuriam fecissent David, miserunt, & conduxerunt mercenarii Syrum Rohob, & Syrum Soba, viginti milia peditum, & a rege Maacha mille viros, & ab Iacob duodecim milia virorum.

7. Quod cum audisset David, misit Joab & omnem exercitum bellatorum.

8. Egressi sunt ergo filii Ammon, & direxerunt aciem ante ipsum introitum portæ: Syrus autem Soba, & Rohob, & Iacob, & Maacha seorsum erant in campo.

9. Videns igitur Joab quod preparatum esset adversum se prælrium, & ex adverso & post tergum, elegit ex omnibus electis Israël, & instruxit aciem contra Syrum:

10. Reliquam autem partem populi tradidit Abi-

Abisai fratri suo, qui direxit aciem adversus filios Ammon.

11. Et ait Joab: Si prævaluerint adversum me Syri, eris mihi in adjutorium: si autem filii Ammon prævaluerint adversum te, auxiliabor tibi.

12. Esto vir fortis, & pugnemus pro populo nostro, & civitate Dei nostri: Dominus autem faciet quod bonum est in conspectu suo.

13. Init itaque Joab, & populus qui erat cum eo certamen contra Syros, qui statim fugerunt a facie ejus.

14. Filii autem Ammon videntes quia fugissent Syri, fugerunt & ipsi a facie Abisai, & ingressi sunt civitatem: reversusque est Joab a filiis Ammon, & venit Jerusalem.

15. Videntes igitur Syri quoniam corruiissent coram Israël, congregati sunt pariter.

16. Misitque Adarezer, & eduxit Syros, qui erant trans fluvium, & adduxit eorum exercitum: Sobach autem, magister militiae Adarezer, erat princeps eorum.

17. Quod cum nuntiatum esset David, contraxit omnem Israëlem, & transvicit Jordanem, veniente in Helam: & direxerunt aciem Syri ex adverso David, & pugnaverunt contra eum.

18. Fugeruntque Syri a facie Israël, & occidit David de Syris septingentos currus, & quadraginta milia equitum, & Sobach principem militiae percussit: qui statim mortuus est.

19. Videntes autem universi reges, qui erant in præsidio Adarezer, se victos esse ab Israël expaverunt, & fugerunt quincuaginta & octo milia coram Israël. Et fecerunt pacem cum Israël: & servierunt eis, timueruntque Syri auxilium præbere ultra filiis Ammon.

CAPUT XI.

Dum Joab obsidet Rabba civitatem Ammonitarum, David domi residens adulterio Bethsabee adjunxit, ad id celandum, homicidium viri illius Uriæ; acceptaque illa in uxorem, & nato ex ea filio, Dominum commovit ad iram.

1. **10.** Factum est autem, * vertente anno, eodem, ^{*1. Par.} pore quo solent reges ad bella procedere, ^{20. 1.}

misiit David Joab, & servos suos cum eo, & universum Irael, & vastaverunt filios Ammon, & obsederunt Rabba, David autem remansit in Ierusalem.

2 Dum haec agerentur, accidit ut surgeret David de strato suo post meridiem, & deambularet in solario domus regiae: viditque mulierem se lavantem, ex adverso super solarium iuueniebat autem mulier pulchra valde.

3 Misit ergo rex: & requiavit quae esset mulier. Nuntiatumque est ei, quod ipsa esset Beth-sabee filia Eliam, uxor Uriæ Hethæti.

4 Misit itaque David nuntiis, tulit eam, quae cum ingressa esset ad illum, dormivit cum ea: statimque sanctificata est ab immunditia sua.

5 Et reversa est in domum suam concepto fetu. Mittenque nuntiavit David, & ait: Concepit.

6 Misit autem David ad Joab, dicens: Mitte ad me Uriam Hethæum. Misitque Joab Uriam ad David.

7 Et venit Urias ad David. Quæfirvitque David quam recte ageret Joab, & populus, & quo modo administraretur bellum.

8 Et dixit David ad Uriam. Vade in domum tuam, & lava pedes tuos. Et egressus est Urias de domo regis, fecutusque est eum cibus regius.

9 Dormivit autem Urias ante portam domus regiae cum aliis servis domini sui, & non descendit ad domum suam.

10 Nuntiatumque est David a diecentibus: Non ivit Urias in domum suam. Et ait David ad Uriam: Nunquid non de via venisti? quare non descendisti in domum tuam?

11 Et ait Urias ad David: Arca Dei & Israel & Juda habitant in papilionibus, & dominus meus Joab, & servi domini mei super faciem terræ manent: & ego ingrediar domum meam, ut comedam & bibam, & dormiam cum uxore mea? per salutem tuam, & per salutem anime tue non faciam rem hanc.

12 Ait ergo David ad Uriam: Mane hic etiam hodie, & cras dimittam te. Mansit Urias in Ierusalem in die illa & altera:

* Iev.
15. 14.

13 Et vocavit eum David ut comedederet coram fe & biberet, & inebravit eum: qui egressus vespere, dormivit in strato suo cum servis domini sui, & in domum suam non descendit.

14 Factum est ergo mane, & scripsit David epistolam ad Joab: misitque per manum Uriæ,

15 Scribens in epistola: Ponite Uriam ex adverso belli, ubi fortissimum est præsum: & derelinquite eum: ut percussus intereat.

16 Igitur cum Joab ob sideret urbem, posuit Uriam in loco ubi sciebat viros esse fortissimos.

17 Egressus viri de civitate, bellabant adversum Joab, & ceciderunt de populo servorum David, & mortuus est etiam Urias Hethæus.

18 Misit atque Joab, & nuntiavit David omnia verba prælii:

19 Præcepitque nuntio, dicens: Cum compleveris universos sermones bellii ad regem,

20 Si eum videris indignari, & dixerit: Quare accessisti ad murum, ut præliarem? an ignorabis quod multa defuper ex muro tela mittantur?

21 Quis percussit Abimelech filium Jerobaal? * Judic.
nonne mulier misit super eum fragmen molæ de muro, & interfecit eum in Thebes? quare juxta murum accessisti? dices: Etiam servus tuus Urias Hethæus occubuit. 9. 53.

22 Abiit ergo nuntius, & venit, & narravit David omnia quae ei præceperat Joab:

23 Et dixit nuntius ad David: Prævaluerunt adversum nos viri, & egressi sunt ad nos in agrum: nos autem facto impetu persecuti eos sumus usque ad portam civitatis.

24 Et direxerunt jacula sagittaria ad servos suos ex muro defuper: mortuique sunt de servis regis, quin etiam servus tuus Urias Hethæus mortuus est.

25 Et dixit David ad nuntium: Haec dices Joab: Non te frangat ista res: varius enim evenitus est belli: nunc hunc, & nunc illum consumit gladius: conforta bellatores tuos adversus urbem, ut defruas eam, & exhortare eos.

26 Audivit autem uxor Uriæ, quod mortuus esset Urias vir suus, & planxit eum.

27 Transacto autem iuuenio, misit David, & intro-

troduxit eam in domum suam, & facta est ei uxor, peperitque ei filium: & displicuit verbum hoc, quod fecerat David, coram Domino.

CAPUT XII.

David, sub parabola a Nathan proposita correptus, in se ipsum tulerit sententiam: unde Nathan multa illi minatur incommoda; quibus compuncto culpa condonatur, manente pena: & mortuo puer nascitur Salomon; ac civitas Rabbath cum magna ultione diruitur; accepto diademeate pretiosissimo regis ipsius, in Ammonias graviter advertitur.

1 Misit ergo Dominus Nathan ad David: qui cum venisset ad eum, dixit ei: Duo viri erant in civitate una, unus dives, & alter pauper:

2 Dives habebat oves, & boves plurimos valde:

3 Pauper autem nihil habebat omnino, praeter ovem unam parvulam, quam emerat & nutrita, & quae creverat apud eum cum filio eius simul, de pane illius comedens, & de calice eius bibens, & in sinu illius dormiens: eratque illi sicut filia.

4 Cum autem peregrinus quidam venisset ad divitem, parcens ille sumere de ovibus & de bovis suis, ut exhiberet convivium peregrino illi, qui venerat ad se, tulerit oveni viri pauperis, & præparavit cibos homini qui venerat ad se.

5 Iratus autem indignatione David adversus hominem illum nimis, dixit ad Nathan: Vivit Dominus, quoniam filius mortis est vir qui fecit hoc.

Exod.
32. 5. **6** * Oven reddet in quadruplum, eo quod fecerit verbum istud, & non pepercerit.

7 Dixit autem Nathan ad David: Tu es ille vir: Hunc dicit Dominus Deus Israel: Ego unxi te in regem super Israel, & ego erui te de manu Saul,

8 Et dedi tibi domum domini tui, & uxores domini tui in sinu tuo, dedique tibi domum Israel & Juda: & si parva sunt ista, adjiciam tibi multo majora.

9 Quare ergo contempsti verbum Domini, ut fa-

faceres malum in conspectu meo? Uriam Hethæum percussisti gladio, & uxorem illius acceperisti in uxorem tibi, & interfecisti eum gladio filiorum Ammon.

10 Quam ob rem non recedet gladius de domo tua usque in sempiternum, eo quod despexeris me, & tuleris uxorem Uriæ Hethæi, ut esset uxoris tua.

11 Itaque hæc dicit Dominus: Ecce, ego suscitabo super te malum de domo tua, & tollam uxores tuas in oculis tuis, & * dabo proximo 16. 21. tuo, & dormiet cum uxoribus tuis in oculis Solis hujus.

12 Tu enim fecisti abscondite: ego autem faciam verbum istud in conspectu omnis Israel, & in conspectu Solis.

13 Et dixit David ad Nathan: Peccavi Domino. Dixitque Nathan ad David: *Dominus quo- Ecclesi. 47. 12. que transtulit peccatum tuum: non morieris.

14 Veram tamen, quoniam blasphemare fecisti inimicos Domini, propter verbum hoc, filius, qui natus est tibi, morte morietur.

15 Et reversus est Nathan in domum suam. Percussit quoque Dominus parvulum, quem penerat uxor Uriæ David, & desperatus est.

16 Deprecatusque est David Dominum pro parvulo: & jejunavit David jejuno, & ingressus fœsum, jacuit super terram.

17 Venerunt autem seniores domus ejus, cogenentes eum ut surgeret de terra: qui noluit, nec comedit cum eis cibum.

18 Accidit autem die septima ut moreretur infans: timueruntque servi David nuntiare ei quod mortuus esset parvulus. Dixerunt enim: Ecce cum parvulus adhuc viveret, loquebamur ad eum, & non audiebat vocem nostram: quanto magis si dixerimus: Mortuus est puer, se affliget?

19 Cum ergo David vidisset servos suos musitanter, intellexit quod mortuus esset infans: dixitque ad servos suos: Num mortuus est puer? Qui responderunt ei: Mortuus est.

20 Surrexit ergo David de terra, & lotus unusquisque est: cumque mutasset vestem, ingressus

est domum Domini: & adoravit, & venit in domum suam petivitque ut ponerent ei panem, & comedit.

21 Dixerunt autem ei servi sui: Quis est sermo, quem fecisti? propter infantem, cum adhuc vivet, jejunasti & flebas: mortuo autem puerō, surrexisti, & comedisti panem.

22 Qui ait: Propter infantem, dum adhuc vivet, jejunavi & flevi: dicebam enim: Quis fecit si forte donet eum mihi Dominus, & vivat infans?

23 Nunc autem quia mortuus est, quare jejunem? Nunquid potero revocare eum amplius? ego vadam magis ad eum: ille vero non reveretur ad me.

24 Et consolatus est David Bethsabee uxorem suam, ingressusque ad eam, dormivit cum ea: quæ genuit filium, & vocavit nomen ejus SALOMON, & Dominus dilexit eum.

25 Misisque in manu Nathan Prophetæ, & vocavit nomen ejus, AMABILIS DOMINO, eo quod diligenter eum Dominus.

26 * Igitur pugnabat Joab contra Rabbath filiorum Ammon, & expugnabat urbem regiam.

27 Miliisque Joab nuntios ad David, dicens: Dimicavi adverbum Rabbath, & capienda est Urbs aquarum.

28 Nunc igitur congrega reliquam partem populi, & obside civitatem, & cape eam: ne cum a me vaftata fuerit urbs, nomini meo adscribatur victoria.

29 Congregavit itaque David omnem populum, & profectus est adverbum Rabbath: cumque dimicasset, cepit eam.

30 Et tulit diadema regis eorum de capite ejus, pondo auri talentum, habens gemmas pretiosissimas, & impositum est super caput David. Sed & prædam civitatis asportavit multam valde:

31 Populum quoque ejus adducens servavit, & circumegit super eos ferrata carpenta: divisitque cultris, & traduxit in typo laterum: sic fecit universis civitatibus filiorum Ammon: & reveritus est David, & omnis exercitus in Jerusalem.

* 1. Par.
10. I.

C A P U T XIII.

Absalom, propter incestum cum forore Thamar, fratrem Amnon inter epulas occidit: iratoque patre, profugus ad regem Gessur, tribus annis ibi permanuit.

1 Factum est autem post hæc, ut Absalom filii David fororem speciosissimam vocabulo Thamar, adamaret Amnon filius David,

2 Et deperiret eam valde, ita ut propter amorem ejus ægrotaret: quia cum esset virgo, difficile ei videbatur ut quippiam inhonesta ageret cum ea.

3 Erat autem Amnon amicus, nomine Jonadab filius Semmae fratris David, vir prudens valde.

4 Qui dixit ad eum: Quare sic attenuaris mācie fili regis per singulos dies? cur non indicas mihi? Dixitque ei Amnon: Thamar fororem fratris-meī Absalom amo.

5 Cui respondit Jonadab: Cuba super lectrum tuum, & languorem simula: cumque venerit pater tuus ut visitet te, dic ei: Veniat, ore, Thamar foror mea, ut det mihi cibum, & faciat pulmentum, ut comedam de manu ejus.

6 Accubuit itaque Amnon, & quasi ægrotare cœpit: cumque venisset rex ad visitandum eum, ait Amnon ad regem: Veniat, obsecro, Thamar foror mea, ut faciat in oculis meis duas forbitiunculas, & cibum capiam de manu ejus.

7 Misit ergo David ad Thamar domum, dicens: Veni in domum Amnon fratris tui, & fac ei pulmentum.

8 Venitque Thamar in domum Amnon fratris sui: ille autem jacebat: quæ tollens farinam commisicit: & liquefaciens, in oculis ejus coxit forbitiunculas.

9 Tollensque quod coxerat, effudit & posuit coram eo, & noluit comedere, dixitque Amnon: Ejicite universos a me. Cumque ejecissent omnes,

10 Dixit Amnon ad Thamar: Infer cibum in conclave, ut veskar de manu tua. Tulit ergo Thamar forbitiunculas, quas fecerat, & intulit ad Amnon fratrem suum in conclave.